

3033.

1405 d. 24 Jan.

Paris.

Den engelska studentnationen i Paris utser till föreståndare för [Skara-kollegiets] hus »Ad imaginem nostre Domine» magister Henricus de Dinteren efter magister Jacobus de Harlem samt medgifver denne uppskof med betalandet af sin skuld för detta hus.

Liber procurat. nat. Anglic. Tr. efter Auctar. chartul. Univ. Paris. I, sp. 893.

Facta congregacione nacionis Almanie apud Sanctum Maturinum 24:a die mensis Januarii anno Domini ut supra [c: 1404 secundum modum scribendi Gallianum] super duobus articulis. Primus erat ad ordinandum de domo Ymaginis nostre Domine in vico Brunelli, quia eam resignavit magister Jacobus de Harlem et supplicavit pro substitutione magistri Henrici de Dinteren, qui eciam pro illo supplicavit. 2:us articulus erat super supplicacionibus et injuriis. Quantum ad primum articulum ordinatus et substitutus fuit magister Henricus Dinteren, qui tenebitur computare omni anno semel in nacione, et ordinati fuerunt magistri ad audiendum comptum magistri Jacobi, et fuerunt ordinati magister Ricardus protunc receptor nacionis, magister Wilhelmus Bloc et magister Johannes Gaelcop. Quantum ad secundum articulum supplicavit magister Jacobus de Harlem, quia protunc non habebat pecunias, quod nacio vellet sibi expectare ad tempus, et ipse libenter solveret. Cujus supplicacio fuit concessa et fuit ordinatum, quod unam terciam pecunie solveret post medium annum et aliam terciam post tria quarteria anni et terciam post annum, ita quod tota illa pecunia esset persoluta post annum.

3034.

1405 d. 6 Febr.

Vatikanen.

Till påfven Innocentius VII stäld supplik rörande 1) biskopens af Linköping visitationer samt utnämmandet af ärkebiskopen i Uppsala och biskopen i Strängnäs till klostrets konservatorer, 2) rätt att af- och tillsätta präst vid Vadstena sockenkyrka, 3) rätt för lekbröder och leksyster att på sin dräkt bära ett rött kors, och 4) återkallande af påbudet, att personer af oäkta börd ej finge intagas i klostret.

Supplik inbunden i Codex A. 26 i Sv. Riksark., fol. 153.

Supplicant s. v. humiles et deuoti vestri abbatissa et confessor generalis ac vterque conuentus monasterij sanctarum Marie virginis et Birgitte in Wazsteno, ordinis sancti Augustini Sancti Saluatoris nuncupati, Lincopensis diocesis, quatenus statuere dignemini, quod episcopus Lincopensis pro tempore eorum visitator non grauet eos visitando expensis immoderatis nec exigat procuraciones nisi iuxta constitutiones eiusdem sancte Birgitte ac instituta ordinis, et quod alias de negocijs ipsius monasterij se non intromittat, et quod pro visitacionis officio exercendo assumat secum duos canonicos Lincopenses, quos abbatissa, confessor et conuentus huiusmodi duxerint eligendos iuxta instituta predicta, qui gesta ibidem et coram eis proposita non reuelent, sed in foro secrete confessionis teneant et ad reformationem monasterij et ordinis diligenter attendant sub grauibus penis eis infligendis;

ordinantes eciam, quod si ipse episcopus eos indebitis grauaminibus molestaret, quod extunc ad archiepiscopum Vpsalensem et episcopum Strenginensem eorum conseruatores, quos eciam exnunc eis conseruatores deputare dignemini, recursum habere valeant et ad ipsos appellare, et quod ipsi conseruatores eundem episcopum censuris ecclesiasticis compellere possint, cum omnibus clausulis oportunis.¹⁾

Item quatenus supplicantibus prefatis, quod ipsi parrochiam ecclesiam de Wazsteno in fundo dicti monasterij sitam et ad ipsum monasterium pleno iure spectantem per ydoneos presbiteros votiuos in curia et expensis procuratoris ipsius monasterij pro tempore commorantes et religionis eiusdem ingressum prestolantes ad nutum exponencium predictorum ponendos et amouendos regi facere libere et licite possint, concedere dignemini graciose, constitutionibus apostolicis et aliis contrariis non obstantibus quibuscumque.

Item pater beatissime, cum iuxta quoddam priuilegium a sede apostolica obtentum conuersi et conuerse predicti ordinis extra eorum monasteria existentes abbatissis suis sub excommunicationis sententia, quam contrafacientes eoipso incurrunt, in omnibus teneantur obedire, dignetur s. v. ob ipsorum animarum salutem dictum articulum reuocare et annullare, et quod inobedientes et delinquentes ex eisdem iuxta instituta ordinis predicti jeiuniis, videlicet carceribus, verberibus et alijs regularibus disciplinis vsque satisfactionem condignam puniantur, statuere ac eisdem conuersis vtriusque sexus monasterij predicti ab extra pro tempore seruientibus, quod infra eiusdem monasterij septa et alibi, vbicumque ipsos declinare contigerit, in habitu suo eis a prelatibus eorum constituto crucem paruum de panno rubeo asutam in signum religionis ac voti emissi et perpetue stabilitatis deferre valeant, concedere dignemini graciose, constitutionibus apostolicis, priuilegiis et statutis ac aliis contrariis non obstantibus quibuscumque.¹⁾

Item pater beatissime, in quodam priuilegio dicto ordini a sede predicta concessio cauetur, quod nullus in aliquo ex monasteriis siue locis eiusdem ordinis recipiatur seu ad professionem ipsius ordinis admittatur, nisi fuerit de legitimo matrimonio procreatus, dignetur s. v. pro diuini cultus incremento et dicti ordinis propagatione ac personarum in eo diuinis laudibus insistencium augmentatione articulum huiusmodi reuocare et annullare, et quod de cetero quecumque persone vtriusque sexus de quouis illicito coitu procreate ordinem predictum ingredi volentes, dummodo fuerint honeste conuersacionis et vite et alias apte et ydonee in monasterijs et locis huiusmodi recipi et ad professionem admitti licite valeant, defectu natalium ac constitutionibus apostolicis et priuilegiis et aliis contrariis non obstantibus quibuscumque.²⁾

Datum Ro[me] ap[ud] S[anctum] P[etrum] octauo idus Februarij anno primo. Libro iiiij folio xliij. Per dominum Innocencium papam vij.³⁾

Sine alia leccione.

Å ryggen märke efter ett större sigill.

¹⁾ I marginalen: *expeditum*.

²⁾ I marginalen: *signatum*.

³⁾ Med annan stül.